

# QVÆSTIO MEDICA

## TENTATIVIS DISPUTATIONIBVS DISCVTIENDA

IN SCHOLA MEDICORVM DIE IOVIS XXVII. MARTII HORA IX. MATVTINA.

M. ANTHONIO GVELLIER DOCTORE MEDICO MODERATORE.

*An edaces Μεγαλόπλαγχοι?*

16.

**Q** VÆ corpus humanum effingit sapientissima, nullò præeunte magistrò natura, non solum externo decori & apparentibus lineamentis vt statuaria ars addidit: sed intima quæque peruadens, incumbit in primis visceribus affabrè efformandis; vt quibus reliqui corporis regimen deinceps committat. Hæc in semine quoquoersum diffusa, heterogeneas illius partes, similibus effingendis earum, à quibus illæ decesseant accommodans, deciduas præ cæteris à tribus parentum principijs portiones, in tres veluti bullas coerces, iecoris, cordis, & cerebri rudimenta, in quibus spiritales focos ædificat, vnde reliquæ partes incalescunt, & tribus facultatibus, naturali quippe, vitali & animali illustrantur: quasque in eam molem extendit, quæ materialibus principijs semini, & menstuo, atque caloris energię respondeat. Hinc præsertim *μεγαλόπλαγχοι* & *μικρόπλαγχοι*, à magnitudine & paruitate nobiliorum viscerum, sed maxime hepatis, quod *Σπλάγχι* dicitur κατ' ἐξοχήν.

**H** OC viscus est omnium antiquissimum, venarum *ρίζωσις* & *ἐπιθυμητικῆς* animæ sedes, cuius præsentia gestiens, concupiscentiæ igniculos diffundit in singulas partes, quibus percite, iacturam indefinentem triplicis substantiæ per calorem depascentem resarcire auentes, virtute magneticâ trahunt ab exilibus venis, & arterijs; hæc à maioribus, donec suctionis continuitate per cor primum viuens, fugacisque vitæ discrimina, circulari sanguinis motu, per continuas diastoles & systoles reparans, ad hepar fontem *διωτοποιητικόν* peruentum sit: quod totum *ἐπιθυμητικόν*, quandiu foetus in utero delitescit, feriantibus ventriculo & pulmone, confusorum in placenta sanguinis & spiritum matris eò plus, quò maius est per venam vmbilicalem prolecat, ex quibus sui parenchymatis *ιδιοσυγκρασία* alteratis & recoctis, sibi & reliquo foetui magis confociale parat alimentum, quod deinde *σπλάγχιον θυμειδές* per cauam ascendentem amplo foramine peruiam in arteriam venosam & à partu per pulmones, eò impensius quò maius est abripit in sinistram ventriculum, & inde vitalitatis sigillo munitum, singulis partibus imperitur, & eò plus cerebro *ἡγεμονικῶ* quò etiam est maius.

**H** OMO eductus humò triplicis suæ substantiæ dissipationis duplicem causam habet, extrinsecus quidem ab aëre ambiente, intus verò à calore natiuò: hinc singulæ partes suctu gemitatò post partum trahunt à corde, cor ab hepate, resectò vmbilicò hepar, nè homo, vt arbor inuicta continuò marcescat, conuerit se ad ventriculum, per venas gastricas, & stomachicas; cuius substantialem humiditatem illius membranis infixam eatenus exugit; quoad stomachus, propter excellentiam sensus, quam præ cæteris partibus sortitus est, ob maximos & insignes nervos quos habet à cerebro, suctionis importunitate diuulsus, hortetur animal ad capefendum alimentum; primò vt sibi consulas, vapidà ingestorum suauitate suctionis sensum, appetitus animalis stimulum demulcendo; per accidens verò vt suæ, & reliquarum partium appetentiæ naturali, quæ procedit ab inanitione, fiat satis.

**A** LIMENTI humidi & sicciprincipium os, gula, ventriculus, in quem cum ingeritur, non prius sedatur animalis appetitus, quin cesset suctionis sensus: hic verò perseverat, donec tunica ventriculi, & præcipuè stomachi supra alimentum adeptum in ore chyli rudimentum, coarctatæ, benignioris halitus abunde, dum coquitur, imbiberint, quò imbutæ plus satis, suctionis sensum elidunt; quæ tamen tandiu durat, donec ventriculus chylum, quò nutritur fastidians, referatò pylorò, in intestina protrulerit; ad quæ hepar vberioris alimenti avidum, per venas lacteas conuertitur, illa eò citius exhauriens, quò est maius, & quò maius eò capacius ad continendum, valentius ad coquendum, promptius ad expellendum, & frequentius ad vellicandum reiteratis suctionibus stomachum, qui tam crebra læsionis impatiens, hortatur ad multos & frequentes cibos, vnde *πολυφαγία*, naturalis quidem, si ventriculus hepatis respondeat, optima siquidem natura, quantum appetit, tantum etiam concoquit; inedia verò perniciofa, quia magnum hepar chylosi cremoris defectu remeantem ad se per circulationem sanguinem perurit, vnde ipsum inflammatur, & biliosam colluuiem multam conficit; quæ in ventriculum regurgitans cardiognum, anxietatem, choleram, lipothymiam, & vertiginem suscitatur, atque ad cor transmissa, febris ardentis fit parens.

**A** PPETITVS animalis famem & sitim complectitur; hæc frigidi humidì, illa calidi & siccipotentia est. Magnum hepar æqualibus momentis augeat utramque nisi ventriculus naturalis temperiei limites excedens, vel alienò humore perfusus *δρεκτικός* magis vel *διψητικός* fuerit: *διψητικός* quidem, si calidior & siccior, vel falsò humore & acri imbutus: *δρεκτικός* verò, si frigidior, acidòue humore, vel acerbò prolutus, merò magis implendus quàm cibò: frigus enim, aciditas, & acerbitas constrictis tunicis vellicationem quamdam & rosionem suctui analogam excitant: quæ qualitates, quia coctioni non minus nocent, quam prolutus appetitui, edacitas quæ hunc consequitur, cruditates multas infert, & magnum excrementorum prouentum, quibus distenditur hepar, primæ coctionis vitia emendare non valens, lien veluti fiscus, corporis dispendiò intrumescit, intestina tamquam sentina, infarcta protuberant, vnde ventrosi atque etiam *μεγαλόπλαγχοι*.

*Ergò edaces Μεγαλόπλαγχοι.*

Proponebat Andegavi, PETRVS IAMET Andegauensis, A. R. S. H. M. DC. LIII.



ANDEGAVI, Apud PETRVM AVRIL, Regis & Vniuersitatis Typographum.